



Giuanna Riedi

11.04.1923 - 29.04.2001

L'onda Giuanna ei naschida a Rueras sco siatavel afon da Gion Giusep Riedi e Maria Culastia naschida Muggli. Els eran ina gronda famiglia da 10 affons e vivevan sco las pli biaras autras familias dil puresser.

Las scolas ha Giuanna passentau a Rueras. Suenter eis ella segidada culs da casa, sil funs, en cuschina e leu nua ch'ei fageva basegns. Ella ha era gidau ora famiglias en cass urgents, quei vul dir, malsognas, pagliollas etc. Duront ses giuvens onns eis ella era stada en plazza en in'ustria ad Ursera.

La vegliadetgna e la sanadad da ses geniturs han puspei menau la Giuanna a Rueras. Ils treis fargliuns Franzestg, Giuanna e la Tina han lu surpriu il menaschi puril. Denter auter ha Giuanna tgirau ensem cun la Tina lur geniturs. Cuort temps suenter la mort dalla mumma ha la Giuanna entgins onns surpriu ensem cun la Franziska Venzin la plazza da pedel dalla scola Rueras.

Culs onns ha la sanadad sfurzau ils teis fargliuns da desister dil puresser.

Tier il tener casa gudeva Giuanna ussa mintga viseta. Mintga discuors cun il vischin ni enconuschen fageva ad ella grond plascher.

Ina gronda frida ha la mort da siu frar Franzestg schau anavos ad ella, dalla quala ella ei mai pli serevegnida.

Igl atun vargau ha ina nauscha malsogna tuccau la Giuanna. Suenter ca. 2 meins el spital a Curera ha ella saviu turnar a casa.

En quei grev temps saveva sulettamein aunc ina viseta cun in pign discuors legrar pli ella.

Ils 27 d'avrel ha ella stuiu turnar el spital a Cuera nua ch'ella ei lu morta ils 29 d'avrel.

L'onda Giuanna rauassi en pasch!